



جدوال فمباچاين خطبه جمعة سيري 5/ 2022

(Bulan Mei Tahun 2022)

تاريخ	تاجوق	ب
6.5.2022M/ 5 Syawal 1443H	Kesinambungan Ibadah Pasca Ramadhan	1.
13.5.2022M/ 12 Syawal 1443H	Kenali Al-Quran, Kenalkan Al-Quran	2.
20.5.2022M/ 19 Syawal 1443H	Guru Tunjang Sekolah Sejahtera	3.
27.5.2022M/ 26 Syawal 1443H	Simpanan Persaraan Patuh Syariah	4.
خطبه كدوا		



فرچيتقن دبيايائي :

زكاة فولاو فينغ

تليفون : 04-5498088

*Jawatankuasa Panel Semakan Teks Khutbah
Negeri Pulau Pinang*

- 1. SS Dato' Seri Dr. Haji Wan Salim bin Wan Mohd Noor (Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab (Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





KESINAMBUNGAN IBADAH PASCA RAMADHAN

(6 Mei 2022M / 5 Syawal 1443H)

أَلْحَمْدُ لِلَّهِ الْمَحْمُودِ عَلَى كُلِّ حَالٍ، وَنَعُوذُ بِاللَّهِ مِنْ حَالِ أَهْلِ الضَّلَالِ وَالْكَسَلِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ الْكَبِيرِ الْمُتَعَالِ، وَأَشْهَدُ أَنَّ سَيِّدَنَا
وَنَبِيَّنَا مُحَمَّدًا عَبْدَهُ وَرَسُولَهُ، جَبَلَهُ رَبُّهُ عَلَى جَمِيلِ الْفِعَالِ، وَكَرِيمِ الْخِصَالِ.
صَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ خَيْرِ صَحْبٍ وَآلٍ، وَالتَّابِعِينَ وَمَنْ
تَبِعَهُمْ بِإِحْسَانٍ إِلَى يَوْمِ الْمَالِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ! أَوْصِيَكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.

SIDANG JUMAAT YANG DIRAHMATI ALLAH SEKALIAN,

Pada hari yang diharapkan limpahan rahmat dan keampunan dari Allah ini, saya menyeru sidang jemaah sekalian, agar sama-sama kita memperkukuhkan iman dan taqwa kita terhadap Allah *سُبْحَانَهُ وَتَعَالَى*.

Manfaatkan ruang dan peluang yang diberikan Allah untuk terus melakukan kebaikan serta meninggalkan setiap yang dilarang. Semoga usaha ini akan menjadikan kita di kalangan hamba-hamba yang dikasihinya.

Sebelum melanjutkan bicara, marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah



perbuatan sia-sia yang boleh menjejaskan kesempurnaan meraih ganjaran pahala. Khatib ingin mengajak sidang Jumaat sekalian untuk memberi tumpuan kepada tajuk khutbah: “**Kesinambungan Ibadah Pasca Ramadhan**”.

SIDANG JUMAAT YANG DIMULIAKAN,

Kini telah berlalu pergi bulan Ramadan. Bulan yang dilimpahkan dengan pelbagai nikmat. Nikmat rahmat, gandaan ganjaran dan keampunan yang mampu membawa kita terlepas dari seksa api neraka.

Namun perlu kita ketahui berakhirnya Ramadan bukan bermakna berakhirnya segala amal kebaikan. Sesungguhnya selagi hayat dikandung badan, amal ibadah perlu terus dilaksanakan. Kita adalah hamba Allah, bukannya hamba Ramadan. Biarpun kita kelihatan bersemangat berpuasa dan Qiyamullail sebelum ini, namun ibadah ini tetap dianjurkan sekalipun berada di bulan-bulan selain Ramadan.

Justeru, berpuasa sunat selama enam hari di dalam bulan Syawal amat digalakkan. Ia bukan sekadar anjuran berpuasa semata-mata namun turut disusuli dengan ganjaran yang berlipat ganda. Sabda Rasulullah صَلَّى اللهُ عَلَيْهِ وَسَلَّمَ:

مَنْ صَامَ رَمَضَانَ ثُمَّ أَتْبَعَهُ سِتًّا مِنْ شَوَّالٍ كَانَ كَصِيَامِ الدَّهْرِ

Maksudnya: “Sesiapa yang berpuasa Ramadan kemudian meneruskan dengan enam hari di bulan Syawal sepertinya dia berpuasa selama setahun.”

(Riwayat Imam Muslim)



Bahkan di dalam riwayat yang lain Rasulullah ﷺ juga bersabda:

صِيَامُ شَهْرِ رَمَضَانَ بِعَشْرَةِ أَشْهُرٍ، وَصِيَامُ سِتَّةِ أَيَّامٍ مِنْ شَوَّالٍ بِشَهْرَيْنِ،
فَذَلِكَ صِيَامُ سَنَةٍ

Maksudnya: "Puasa di bulan Ramadhan seperti (berpuasa) 10 bulan dan puasa 6 hari di bulan Syawal pula seperti (berpuasa) 2 bulan. Demikian itu seperti berpuasa setahun." (Hadis Riwayat an-Nasa'i)

HADIRIN SIDANG JUMAAT SEKALIAN,

Renungilah, betapa pemurahnya Allah ﷻ. Memberi sebesar-besar ganjaran walaupun apa yang kita lakukan itu hanya sedikit sahaja. Rugi dan rugilah bagi mereka yang masih berkira-kira atau tidak mempedulikan nikmat ini. Dengan hanya berpuasa enam hari pada bulan Syawal akan diberi ganjaran seumpama berpuasa selama setahun, Subhanallah!

Bukan sekadar itu, bahkan kita turut dianjurkan berpuasa sunat pada setiap hari Isnin dan Khamis. Sabda Rasulullah ﷺ:

تُعْرَضُ الْأَعْمَالُ يَوْمَ الْاِثْنَيْنِ وَالْاِثْنَيْنِ، فَأَحَبُّ أَنْ يُعْرَضَ عَمَلِي وَأَنَا صَائِمٌ

Maksudnya: "Amalan dibentangkan pada Isnin dan Khamis, maka aku lebih suka amalanku dibentangkan ketika aku sedang berpuasa."

(Hadis Riwayat al- Tirmidzi)

Bagi hamba Allah yang sentiasa berasa bimbang dengan penerimaan Allah terhadap amalannya, sudah pasti tidak teragak-agak



untuk melakukan amalan berpuasa sunat setiap hari Isnin dan Khamis. Berfikirlah sejenak. Rasulullah yang bersifat dengan maksum pun tidak mengabaikan puasa sunat ini, siapalah kita untuk meninggalkannya. Kita hamba yang tidak terlepas dari dosa ini sewajarnya lebih bimbang penerimaan Allah terhadap amalan kita.

HADIRIN YANG BERBAHAGIA,

Junjungan besar Nabi Muhammad ﷺ turut mewasiatkan agar kita berpuasa pada setiap tiga hari dalam bulan-bulan Islam. Kelebihan berpuasa pada ketiga-tiga hari tersebut juga tidak kurang hebat ganjarannya. Sabda Rasulullah ﷺ kepada Saidina 'Amru ibnu al 'As:

وَصُمْ مِنَ الشَّهْرِ ثَلَاثَةَ أَيَّامٍ، فَإِنَّ الْحَسَنَةَ بِعَشْرِ أَمْثَالِهَا،
وَذَلِكَ مِثْلُ صِيَامِ الدَّهْرِ

Maksudnya: "...dan berpuasalah 3 hari pada setiap bulan kerana sesungguhnya kebaikan itu pahalanya dilipatgandakan 10 kali, dan demikian itu seumpama berpuasa selama setahun." (Muttafaqun 'alaih)

Subhanallah! Hanya dengan berpuasa tiga hari pada setiap bulan-bulan Islam diganjaran seolah-olah kita berpuasa selama setahun!

Begitu juga dari aspek ibadah Qiamullail. Sabda Rasulullah ﷺ:

يَا أَيُّهَا النَّاسُ: أَفْشُوا السَّلَامَ، وَأَطْعِمُوا الطَّعَامَ، وَصَلُّوا الْأَرْحَامَ، وَصَلُّوا بِاللَّيْلِ
وَالنَّاسُ نِيَامٌ تَدْخُلُوا الْجَنَّةَ بِسَلَامٍ



Maksudnya: *“Wahai sekalian manusia, sebarkanlah salam, berikan makan, sambunglah silaturrahim, solatlah di waktu malam ketika manusia sedang tidur, nescaya kamu akan masuk ke syurga dengan selamat.”*
(Hadis Riwayat al-Tirmizi)

Sesungguhnya ganjaran besar diberikan buat mereka yang sentiasa berusaha mengisi masa dengan amal kebaikan dan ibadah. Jaminan Syurga daripada Allah *سُبْحَانَهُ وَتَعَالَى* buat mereka yang sentiasa memberi salam, memberi makan kepada orang, menjaga silaturrahim serta menghidupkan malam dengan ibadah.

HADIRIN SIDANG JUMAAT YANG DIRAHMATI ALLAH,

Melihat kepada peluang-peluang kebaikan dan amal ibadah serta ganjaran yang disediakan oleh Allah *سُبْحَانَهُ وَتَعَالَى* ini, maka ayuhlah kita bersegera meneruskan kesinambungan ibadah selepas Ramadan.

1. Memperbanyakkan puasa sunat.
2. Memperbanyakkan solat sunat seperti Solat Tahajjud, Witir dan sebagainya.
3. Memperbanyakkan amal-amal kebajikan seperti menyebarkan salam dan membantu orang yang dalam kesusahan.
4. Istiqamah melaksanakan solat jemaah di masjid

Justeru, ayuhlah bersegera meneruskan ibadah selepas Ramadhan. Buktikan dengan perbuatan. Sekalipun amalan yang kita lakukan itu adalah amalan sunat, usahlah dipandang ringan kerana amalan sunat inilah yang akan memberatkan timbangan kita di akhirat.



أَعُوذُ بِاللَّهِ مِنَ الشَّيْطَانِ الرَّجِيمِ

بِسْمِ اللَّهِ الرَّحْمَنِ الرَّحِيمِ

وَالْعَصْرِ ① إِنَّ الْإِنْسَانَ لَفِي خُسْرٍ ② إِلَّا الَّذِينَ ءَامَنُوا وَعَمِلُوا الصَّالِحَاتِ وَتَوَاصَوْا
بِالْحَقِّ وَتَوَاصَوْا بِالصَّبْرِ ③

Maksudnya: “Demi masa! Sesungguhnya manusia itu dalam kerugian. Kecuali orang-orang yang beriman dan beramal soleh, dan mereka pula berpesan-pesan dengan kebenaran serta berpesan-pesan dengan sabar.” (Surah al-‘Asr)

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أَنْزَلَ عَلَى سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فَوْزَ الْمُسْتَغْفِرِينَ، وَأَنْتَ أَرْحَمُ الرَّاحِمِينَ.



خطبة كدوا بولن مي

2022M/ 1443H

الْحَمْدُ لِلَّهِ عَلَى آلائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ،
وَاعْمَلُوا بِطَاعَتِهِ وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ
بِنَفْسِهِ؛ فَقَالَ - عَلِيمًا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَن آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَءَنَا وَوَلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Al-Sultan Abdullah Ri'ayatuddin Al-Mustafa Billah Shah Ibni
Almarhum Sultan Haji Ahmad Shah Al-Musta'in Billah dan Kebawah



Duli Yang Maha Mulia Seri Paduka Baginda Raja Permaisuri Agong,
Tunku Hajah Azizah Aminah Maimunah Iskandariah Binti Almarhum
Al-Mutawakkil Alallah Sultan Iskandar Al-Haj;

وَكذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul
Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزَّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَن بَلَدِنَا هَذَا خَاصَّةً، وَعَن سَائِرِ بِلَادِ الْمُسْلِمِينَ
عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِن سَيِّئِ الْأَسْقَامِ، يَا أَرْحَمَ
الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٥١﴾

فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَى نِعْمِهِ يَزِدْكُمْ،
وَلْيَذْكُرِ اللَّهُ أَكْبَرُ وَاللَّهُ يَعْلَمُ مَا تَصْنَعُونَ ﴿٥٢﴾

